



Broj: 01-04-8-709/21-4  
Datum: 27.8.2021. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-709/21-3 od 27.8.2021. godine, načelnik Općine Travnik, d o n o s i

## RJEŠENJE

### o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na asfaltiranju lokalnih puteva na području općine Travnik“ sa podjelom na 3 lota, je ponuda ponuđača „Dobojputevi“ d.d. Doboju sa ponuđenom cijenom za:
  - LOT 1 - **Izvođenje radova na asfaltiranju puta u Mudrikama** u ukupnom iznosu od 8.399,08 bez uračunatog PDV-a, odnosno 9.826,92 KM sa uračunatim PDV-om.
  - LOT 2 – **Izvođenje radova na asfaltiranju dječijeg igrališta Kraljevice** u ukupnom iznosu od 4.037,90 KM bez uračunatog PDV-a, odnosno 4.724,34 KM sa uračunatim PDV-om.
  - LOT 3 – **Izvođenje radova na asfaltiranju puta u Dubu** u ukupnom iznosu od 5.731,71 KM bez uračunatog PDV-a, odnosno 6.706,10 KM sa uračunatim PDV-om.
- (2) Ovo Rješenje se dostavlja svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.
- (3) Ovo Rješenje objaviće se na web stranici ugovornog organa ([www.opcinatravnik.com.ba](http://www.opcinatravnik.com.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## Obrazloženje

Postupak javne nabavke radova – „Izvođenje radova na asfaltiranju lokalnih puteva na području općine Travnik“, sa podjelom na 3 lota pokrenut je Rješenjem o pokretanju postupka javne nabavke broj 01-04-8-709/21 od 2.8.2021. godine. Javna nabavka je provedena putem otvorenog postupka. Ukupna procijenjena vrijednost javne nabavke je 18.803,00 KM što predstavlja zbir procijenjenih vrijednosti radova iz 3 lota. Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-1-3-97-3-49/21 od 2.8.2021. godine u „Službenom glasniku BiH“ broj 50/21. Rok za dostavljanje ponuda bio je 26.8.2021. godine.

Komisija za javnu nabavku imenovana je Rješenjem broj: 01-30-10-601/21 od 23.06.2021. godine. Komisija je shodno članu 63. Zakona o javnim nabavkama izvršila javno otvaranje u roku dostavljenih ponuda. Javnom otvaranju ponuda nisu prisustvovali ovlašteni predstavnici ponuđača. Zapisnik o otvaranju ponuda ponuđaču je prosljeđen u zakonskom roku.

Komisija je izvršila analizu dokumentacije priložene uz ponude u smislu propisane forme, suštinske provjere sadržaja i njihove validnosti obzirom na iskazane zahtjeve ugovornog organa u tenderskoj dokumentaciji evidencijski broj: 01-04-8-709/21, odnosno izvršila ocjenu ponuda u skladu sa procedurama i pravilima utvrđenim tenderskom dokumentacijom, Zakonom o javnim nabavkama, pripadajućim podzakonskim aktima i internim aktima ugovornog organa, o čemu je sačinila odgovarajući zapisnik u kojem je utvrđeno sljedeće:

- Da je za LOT 1 do LOT 3 ukupno prispjela 1 (jedna) ponuda;

OB 001

Strana 1 od 3

- Da je za LOT 1 do LOT 3 blagovremeno zaprimljena 1 (jedna) ponuda;
- Da nije bilo neblagovremenih ponuda;
- Da je ponuda ponuđača prihvatljiva;
- Da nema neprihvatljivih ponuda.

E – aukcija nije održana jer je primljena samo jedna prihvatljiva ponuda za svaki lot, a u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) propisano je da, u slučaju prijema jedne prihvatljive ponude, e-aukcija se ne može održati, već se postupak nabavke okončava u skladu sa članom 69. Zakona. Kriterij za dodjelu ugovora je „najniža cijena“.

#### LOT 1 - Izvođenje radova na asfaltiranju puta u Mudrikama

RANG	NAZIV PONUĐAČA	Cijena bez PDV-a KM	Popust KM	Ukupan iznos ponude sa uračunatim popustom (bez PDV-a) KM	PDV 17% KM	Ukupna cijena sa PDV-om KM
1	„Dobojputevi“ d.d. Doboj Jug	8.399,08	0 %	8.399,08	1.427,84	9.826,92

#### LOT 2 - Izvođenje radova na asfaltiranju dječijeg igrališta Kraljevice

RANG	NAZIV PONUĐAČA	Cijena bez PDV-a KM	Popust KM	Ukupan iznos ponude sa uračunatim popustom (bez PDV-a) KM	PDV 17% KM	Ukupna cijena sa PDV-om KM
1	„Dobojputevi“ d.d. Doboj Jug	4.037,90	0 %	4.037,90	686,44	4.724,34

#### LOT 3 - Izvođenje radova na asfaltiranju puta u Dubu

RANG	NAZIV PONUĐAČA	Cijena bez PDV-a KM	Popust KM	Ukupan iznos ponude sa uračunatim popustom (bez PDV-a) KM	PDV 17% KM	Ukupna cijena sa PDV-om KM
1	„Dobojputevi“ d.d. Doboj Jug	5.731,71	0 %	5.731,71	974,39	6.706,10

Komisija za ovu javnu nabavku, dostavila je dana 27.8.2021. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije sa preporukom o izboru najpovoljnijeg ponuđača za predmetnu javnu nabavku.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: "Izvođenje radova na asfaltiranju lokalnih puteva na području općine Travnik" sa podjelom na 3 lota, donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda određuje ponuda ponuđača "Dobojputevi" d.d. Doboj Jug te da se u skladu sa Članom 69. stav (1) alineja pod a) i Članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispjele ponude shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

#### POUKA O PRAVNOM LIJEKU:

OB 001

Strana 2 od 3

Protiv ovog Rješenja može se izjaviti žalba roku od deset (10) dana Uredu za razmatranje žalbi putem ugovornog organa, na adresu: Općina Travnik, ul. Konatur bb, 72270 Travnik. Žalba se podnosi u dovoljnom broju primjeraka, koji ne može biti manji od tri. U skladu sa članom 108. Zakona o javnim nabavkama podnosilac žalbe je obavezan platiti naknadu za pokretanje žalbenog postupka. Uplata naknade vrši se u skladu sa Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. ZJN ("Službeni glasnik BiH" broj 86/14).

Obradila: Aida Kavazović, dipl. iur.

**DOSTAVITI:**

1. Ponuđačima,
2. Arhiva.

